

舟駝夷者漢武帝所開元鼎六年以為汶山郡至地節三年夷人以立郡賦重宣帝乃省并蜀郡為北部都尉其山有六夷七羌九氐各有部落其王侯頗知文書而法嚴重貴婦人黨母族死則燒其尸土氣多寒在盛夏冰猶不釋故夷人冬則避寒入蜀為傭夏則違暑反其衆邑皆依山居止累石為室高者至十餘丈為邛籠又土地剛鹵不生穀粟麻菽唯以麥為資而宜畜牧有旄牛無角一名童牛肉重千斤毛可為氍出名馬有靈羊可療毒又有食藥鹿鹿麋有胎者其腸中糞亦療毒疾又有五角羊麝香輕毛毳雞牲牲其人能作旄氍班蜀青頓髦羶羊羴之屬特多雜藥地有鹹土煮以為鹽麇羊牛馬食之皆肥其兩又有三河繫于虜北有黃石北地盧水胡其表乃為徼外靈帝時復分蜀郡北部為汶山郡云

夫餘國地方風俗 後漢

夫餘國在玄菟北千里南與高句驪東與挹婁西與鮮卑接北有弱水地方二千里本濊地也初北夷索離國王出行其侍兒於後婁身王還欲殺之侍兒曰前見天上有氣大如雞子來降我因以有身王囚之後遂生男王令置於豕牢豕以口氣噓之不死復徙於馬蘭馬亦如之王以為神乃聽母收養名曰東明東明長而善射王忌其猛復欲殺之東明奔走南至掩淪水以弓擊水魚鼈皆聚浮水上東明乘之得渡因至夫餘而王之馬於東夷之域最為平敞土宜五穀出名馬赤玉貂納大珠如酸棗以真柵為城有宮室倉庫牢獄其人麤大疆勇而謹厚不為寇鈔以弓矢刀矛為兵以六畜名官有馬加牛加狗加其邑落皆主屬諸加食飲用俎豆會同拜爵洗爵揖讓升降以臘月祭

天大會連日飲食歌舞名曰迎鼓是時斷刑獄解囚徒有軍事亦祭天殺牛以號占其吉凶行人無晝夜好歌吟音聲不絕其俗用刑嚴急被誅者皆沒其家人為奴婢盜一責十二男女淫皆殺之尤治惡妒婦既殺復尸於山上兒死妻嫂死則有槨無棺殺人殉葬多者以百數其王葬用玉匣漢朝常豫以玉匣付玄菟郡王死則迎取以葬焉建武中東夷諸國皆來獻見二十五年夫餘王遣使奉貢光武厚答報之於是使命歲通至安帝永初五年夫餘王始將步騎七八千人寇鈔樂浪殺傷吏民後復歸附永寧元年乃遣嗣子尉仇台詣闕貢獻天子賜尉仇台印綬金綵順帝永和元年其王來朝京師帝作黃門鼓吹角抵戲以遣之桓帝延熹四年遣使朝賀貢獻永康元年王夫台將二萬餘人寇玄菟玄菟太守公孫域擊破之斬首千餘級至靈

帝熹平三年復奉章貢獻夫餘本屬玄菟獻帝時其王求屬遼東云

倭國風俗雜書

倭人在帶方東南大海之中依山島為國邑舊百餘國漢時有朝見者今使譯所通三十國從郡至倭循海岸水行歷韓國乍南乍東到其北岸狗邪韓國七千餘里始渡一海千餘里至對馬國其大官曰卑狗副曰卑奴母離所居絕島方可四百餘里土地出險多深林道路如禽鹿徑有千餘戶無良田食海物自活乘船南北市糴又南渡一海千餘里名曰瀚海至一大國官亦曰卑狗副曰卑奴母離方可三百里多竹木叢林有三千許家差有田地畊田猶不足食亦南北市糴又渡一海千餘里至末盧國有四千餘戶濱山海居草木茂盛行不見前人好捕魚

鯪水無深淺皆沉沒取之東南陸行五百里到伊都國官曰爾支副曰泄謨觚柄渠觚有千餘戶世有王皆統屬女王國郡使往來常所駐東南至奴國百里官曰兕馬觚副曰卑奴母離有二萬餘戶東行至不彌國百里官曰多模副曰卑奴母離有千餘家南至投馬國水行二十日官曰彌彌副曰彌彌那利可五萬餘戶南至邪馬壹國女王之所都水行十日陸行一月官有伊支馬次曰彌馬升次曰彌馬獲支次曰奴佳鞮可七萬餘戶自女王國以北其戶數道里可得略載其餘旁國遠絕不可得詳次有斯馬國次有已百支國次有伊邪國次有郡支國次有彌奴國次有好古都國次有不呼國次有姐奴國次有對蘇國次有蘇奴國次有呼邑國次有華奴蘇奴國次有鬼國次有為吾國次有鬼奴國次有邪馬國次有躬臣國次有巴利國次有

支惟國次有烏奴國次有奴國此女王境界所盡其南有狗奴國男子為王其官有狗古智卑狗不屬女王自郡至女王國萬二千餘里男子無大小皆黥面文身自古以來其使詣中國皆自稱大夫夏后少康之子封於會稽斷髮文身以避蛟龍之害今倭水人好沉沒捕魚蛤文身亦以厭大魚水禽後稍以為飾諸國文身各異或左或右或大或小尊卑有差計其道里當在會稽東治之東其風俗不淫男子皆露紒以木綿招頭其衣橫幅但結束相連畧無縫婦人被髮屈紒作衣如單被穿其中央貫頭衣之種禾稻紵麻蠶桑績績出細紵縑綿其地無牛馬虎豹羊鵠兵用矛楯木弓木弓短下長上竹箭或鐵鏃或骨鏃所有無與儋耳朱崖同倭地溫暖冬夏食生菜皆徒跣有屋室父母兄弟卧息異處以朱丹塗其身體如中國用粉也食飲用邊

豆手食其死有棺無柳封土作冢始死停喪十餘日當時不食肉喪主哭泣他人就歌舞飲酒已葬舉家詣水中澡浴以如練沐其行來渡海詣中國恒使一人不梳頭不去蟻蝨衣服垢污不食肉不近婦人如喪人名之為持衰若行者吉善共顧其生口財物若有疾病遭暴害便欲殺之謂其持衰不謹出真珠青玉其山有丹其木有柎籽豫樟檉投檣烏號颯香其竹篠籜桃支有薑橘椒萇荷不知以為滋味有獼猴黑雉其俗舉事行來有所云為輒灼骨而上以占吉凶先告所卜其辭如令龜法視火圻占兆其會同坐起父子男女無别人性嗜酒見大人所敬但搏手以當跪拜其人壽考或百年或八九十年其俗國大人皆四五婦下戶或二三婦婦人不淫不妬忌不盜竊少諍訟其犯法輕者沒其妻子重者滅其門戶及宗族尊卑各有美序

足相臣服收租賦有邸閣國國有市交易有無使大倭監之自女王國以北特置一大率檢察諸國畏憚之常治伊都國於國中如有刺史王遣使詣京都帶方郡諸韓國及郡使倭國皆臨津搜露傳送文書賜遺之物詣女王不得差錯下戶與大人相逢道路逡巡入草傳辭說事或躡或跪兩手據地為之恭敬對應聲曰噫比如然諾其國本亦以男子為王住七八十年倭國亂相攻伐歷年乃共立一女子為王名曰卑彌呼事鬼道能惑衆年已長大無夫婿有男弟佐治國自為王以來少有見者以婢千人自侍唯有男子一人給飲食傳辭出入居處宮室樓觀城柵嚴設常有人持兵守衛女王國東渡海千餘里復有國皆倭種又有洙儒國在其南人長三四尺去女王四千餘里又有裸國黑齒國復在其東南船行一年可至

馬韓國異俗 魏書

韓在帶方之南東西以海為限南與倭接方可四十里有三種
一曰馬韓二曰辰韓三曰弁韓辰韓者古之辰國也馬韓在西
其俗少綱紀國邑雖有主帥邑落雜居不能善相制御無跪拜
之禮居處作草屋土室形如冢其戶在上舉家共在中無長幼
男女之別其葬有棺無槨不知乘牛馬牛馬盡於送死以瓔珠
為財寶或以綴衣為飾或以縣頸垂耳不以金銀錦繡為珍其
人性疆勇魁頭露紛如吳之衣布袍足履革躡其國中有所
為及官家使築城郭諸年以勇健者皆鑿脊皮以大繩貫之又
以文許木鍾之通日嚙呼力不以為痛既以勸作且以為健
常以五月下種訖祭鬼神以聚歌聲以酒晝夜無休其舞數十
人俱起相隨踏地低昂手口相應節奏有似鐸舞十月農功畢

亦復如之信鬼神國邑各立一人主祭天神名之天君又諸國
各有別邑名之為蘇塗立大木縣鈴敲事鬼神諸亡逃至其中
皆不還之好作賊其立蘇塗王之義有似浮屠而所行善惡有異
其北方近郡諸國差曉禮俗其遠處直入囚徒奴婢相聚無他
珍寶禽獸草木畧與中國同出大栗大如梨又出細尾雞其尾
皆長五尺餘其男子時時有文身又有州胡在馬韓之西海中
大島上其人差短小言語不與韓同皆髡頭如鮮卑但衣韋好
養牛及豬其衣有上無下如裸勢乘船往來市買中韓

夫餘制度 魏書

夫餘在長城之北去玄菟千里南與高句麗東與挹婁西與鮮
卑接北有弱水方可二千里戶八萬其民土著有宮室倉庫牢
狀多山陵廣澤於東夷之域最平敞土地宜五穀不生五果其

人麕大性疆勇謹厚不寇鈔國有君王皆以六畜名官有馬加牛加猪加狗加犬使大使者使者邑落有豪民名下戶皆為奴僕諸加別主四出道大者主數千家小者數百家食飲皆用俎豆會同拜爵洗爵揖讓升降以殷正月祭天國中大會連日飲食歌舞名曰迎鼓於是時斷刑獄解囚徒在國衣尚白白布大袂袍袴履革鞜出國則尚繒繡錦罽大人加狐狸狄白黑貂之裘以金銀飾帽譯人傳辭皆跪手據地竊語用刑嚴急殺人者死沒其家人為奴婢竊盜一責十二男女淫婦人妬皆殺之尤憎妬婦已殺尸之國南山上至腐爛女家欲得輸牛馬乃與之兄死妻嫂與匈奴同俗其國善犧牲出名馬赤玉貂狄美珠大者如酸棗以弓矢刀矛為兵家家自有鎧仗國之耆老自說古之亡人作城柵皆負有似牢獄行道晝夜無老幼皆歌通日

聲不絕有軍事亦祭天殺牛觀蹄以占吉凶蹄解者為凶合者為吉有敵諸加自戰下戶俱檐糧飲食之其死夏月皆用水殺人徇葬者百數厚葬有擲無棺夫餘本屬玄菟漢末公孫度雄張海東威服外夷夫餘王尉仇台更屬遼東時句麗鮮卑疆度以夫餘在二虜之間妻以宗女尉仇台死簡位居立無適子有孽子麻余位居死諸加共立麻余子加兄子名位居為大使輕財善施國人附之歲歲遣使請京都貢獻正始中幽州刺史毋丘儉討句麗遣玄菟太守王頎詣夫餘位居遣大加郊迎供軍糧季父牛加有二心位居殺季父父子籍沒財物遣使簿歛送官舊夫餘俗水旱不調五穀不熟輒歸咎於王或言當易或言當殺麻余死其子依慮年六歲立以為王漢時夫餘王葬用玉匣常豫以付玄菟郡王死則迎取以葬公孫淵伏誅玄菟庫

猶有玉匣一具今夫餘庫有玉璧珪瓚數代之物傳世以為寶
者老言先代之所賜也其印文言滅王之印國有故城名滅城
蓋本滅貊之地而夫餘王其中自謂亡人抑有以也

挹婁猪膏塗身魏書

挹婁在夫餘東北千餘里濱大海南與北沃沮接未知其北所
極其土地多山檢其人形似夫餘言語不與夫餘句麗同有五
穀牛馬麻布人多勇力無大君長邑落各有大人處山林之間
常穴居大家深至九梯以多為好土氣寒劇於夫餘其俗好養
猪食其肉衣其皮冬以猪膏塗身厚數分以御風寒夏則裸袒
以尺布隱其前後以蔽形體其人不潔作溷在中央人圍其表
居其弓長四尺力如弩矢用楛長尺八寸青石為鏃古之肅慎
氏之國也善射射人皆入因矢施毒人中皆死出赤玉好貂今

所謂挹婁貊是也自漢以來臣屬夫餘夫餘責其租賦重以黃
初中叛之夫餘數伐之其人眾雖少所在山險鄰國人畏其弓
矢卒不能服也其國便乘船寇盜鄰國患之東夷飲食類皆用
俎豆唯挹婁不法俗最無網紀也

祭虎為神魏書

滅南與辰韓北與高句麗沃沮接東窮大海今朝鮮之東皆其
地也戶二萬昔箕子既適朝鮮作八條之教以教之無門戶之
閉而民不為盜其後四十餘世朝鮮侯準僭號稱王陳勝等起
天下叛秦燕齊趙民避地朝鮮數萬口燕人衛滿魋結夷服復
來王之漢武帝伐滅朝鮮分其地為四郡自是之後胡漢稍別
無大君長自漢以來其官有侯邑君三老統主下戶其耆老舊
自謂與句麗同種其人性愿慤少嗜慾有廉恥不誤句麗言語

法俗大抵與句麗同衣服有異男女衣皆著曲領男子繫銀花
廣數寸以為飾自單單大山嶺以西屬樂浪自嶺以東七縣都
尉主之皆以濊為民後省都尉封其渠師為侯今不耐濊皆其
種也漢末更屬句麗其俗重山川山川各有部分不得妄相涉
入同姓不婚多忌諱疾病死亡輒捐棄舊宅更作新居有麻布
蠶桑作絳曉候星宿豫知年歲豐約不以珠玉為寶常用十月
祭天晝夜飲酒歌舞名之為舞天又祭虎以為神其邑落相侵
犯輒相罰責生口牛馬名之為責禍殺人者償死少寇盜作矛
長三丈或數人共持之能步戰樂浪擅弓出其地其海出班魚
皮土地饒文豹又出果下馬漢桓時獻之

弁韓生男石壓其頭魏書

弁辰亦十二國又有諸小別邑各有渠帥大者名臣智其次有

險側次有樊滅次有段奚次有邑借有已抵國不斯國弁辰彌
離彌凍國弁辰接連國勤者國難彌離彌凍國弁辰古省彌凍
國弁辰古淳是國古奚國弁辰半路國弁樂奴國軍彌國弁軍
彌國弁辰彌烏邪國如湛國弁辰日路國戶路國州鮮國馬
延國弁辰狗邪國弁辰走漕馬國弁辰安邪國馬延國弁辰瀆
盧國斯盧國優中國弁辰韓合二十四國大國四五千家小國
六七百家總四五萬戶其十二國屬辰王辰王常用馬韓人作
之世世相繼辰王不得自立為王土地肥美宜種五穀及稻曉
蠶桑作縑布乘駕牛馬嫁娶之俗男女有別以大鳥羽送死其
意欲使死者飛揚國出鐵韓滅倭皆從取之諸市買皆用鐵如
中國用錢又以供給二郡俗喜歌舞飲酒有瑟其形似筑彈之
亦有音曲兒生便以石壓其頭欲其禰今辰韓人皆禰頭男女

近倭亦文身使步戰兵仗與馬韓同其俗行者相逢皆住讓路
肅慎巢居穴處晉書

肅慎氏一名挹婁在不咸山北去夫餘可六十日行東瀆大海
西接寇漫汗國北極弱水其土界廣袤數千里居深山窮谷其
路險阻車馬不通夏則巢居冬則穴處父子世為君長無文墨
以言語為約有馬不乘但以為財產而已無牛羊多畜猪食其
肉衣其皮續毛以為布有樹名雒常若中國有聖帝伐立則其
木生皮可衣無井空甕作瓦甕受四五升以食坐則箕踞以足拱
肉而啖之得凍肉坐其上令暖土無鹽鐵燒木作灰灌取汁而
食之俗皆編髮以布作襜履尺餘以蔽前後將嫁娶男以毛羽
挿女頭女知則持諱即然後致禮甥之婦貞而女淫貴壯而賤老
死者其日即葬之於野交木作小樽絞猪積其上以為死者之

糧性凶悍以無憂立相尚父母死男子不哭泣哭者謂之不壯
相盜竊無多少皆殺之故雖野處而不相犯有石砮皮骨之甲
檀弓三尺五寸楛矢長尺有咫其國東北有山出石其利入鐵
將取之必先祈神周武王時獻其楛矢石砮逮于周公輔成王
復遣使入賀爾後千餘年雖秦漢之盛莫之致也及文帝作相
魏景元末來貢楛矢石砮弓甲貂皮之屬魏帝詔歸于相府賜
其王傳雞錦罽絺帛至武帝元康初復來貢

龜茲男女剪髮垂項晉書

龜茲國西去洛陽八千二百八十里俗有城郭其城三重中有
佛塔廟千所人以田種畜牧為業男女皆剪髮垂項王宮壯麗
煥若神居武帝大康中其王遣子入侍

文身國制度南史

文身國在倭東北七千餘里土俗歡樂物豐而踐行客不齋糧有屋宇無城郭國王所居飾以金銀珍麗繞屋為漸廣一丈實以水銀雨則流于水銀之上市用珍寶犯輕罪者則鞭杖犯死罪則置猛獸食之有枉則獸避而不食經宿則赦之

師子國鬼神市場南史

師子國天竺旁國也其地和適無冬夏之異五穀隨人種不須時節其國舊無人止有鬼神及龍居之諸國商估來貢市場鬼神不見其形但出珍寶顯其所堪價商人依價取之諸國人聞其土樂因此競至或有住者遂成大國

扶南四葬南史

扶南國其俗居喪則剃除鬚髮死者有四葬水葬則投之江流火葬則焚為灰燼土葬則瘞埋之鳥葬則棄之中野人性貪吝

無禮義男女恣其奔隨

海島人物南史

梁武帝天監六年晉安人渡海為風所飄至一島登岸有人居止則如中國而言語不可曉男則人身有狗頭其聲如吠其食有小豆其衣如布築土為牆其形圓其戶如竇云

女國婦人水娠南史

扶桑國東千餘里有女國容貌端正色甚潔白身體有毛髮長委地至二三月競入水則妊娠六七月產子女人曾前無乳頂後生毛根白毛中有汁以乳子百日能行三四年則成人矣見人驚避偏畏丈夫食鹹草如禽獸鹹草葉似邪蒿而氣香味鹹

毗騫王不死南史

毗騫國去扶南八千里傳其王身長丈二頭長三尺自古不死

莫知其年王神聖國中人善惡及將來事王皆知之是以無敢欺者南方號曰長頸王國俗有室屋衣服噉梗米其人言語小異扶南有山出金金露生石上無央限也國法刑人並於王前噉其肉國內不受估客有往者亦殺而噉之是以商旅不敢至王常樓居不血食不事鬼神其子孫生死如常人唯王不死

混填納扶南女為妻南史

扶南國俗本裸文身被髮以女人為王號曰柳葉年少壯健有似男子其南有激國有事鬼神者字混填夢神賜之弓乘膏人船入海混填晨起即詣廟於神樹下得弓便依夢乘船入海遂至扶南外邑柳葉人衆見船至欲劫取之混填即張弓射其船穿度一面矢及侍者柳葉大懼舉衆降混填填乃教柳葉穿布貫頭形不復露遂君其國納柳葉為妻生子分王七邑

扶南沸湯魚獸獄南史

扶南國大王蔓乃作大船窮漲海開國十餘闢地五六千里次當伐金鄰國蔓遇疾遣太子金生代行蔓姊子旃因篡蔓自立遣人詐金生而殺之蔓死時有乳下兒名長在人間至年二十乃結中壯士襲殺旃旃大將范尋又攻殺長而代立更繕國內却觀閣遊戲之朝旦中晡三四見客百姓以蕉蔗龜鳥為禮國法無牢獄有訟者先齋三日乃燒斧極赤令訟者捧行七步又以金鑲雞卵投沸湯中令採取之若無實者手即爛有理者則不又於城溝中養鰐魚門外圍猛獸有罪者輒以餒猛獸及鰐魚魚獸不食為無罪三日乃放之鰐大者長三丈餘狀似鼉有四足喙長六七尺兩邊有齒利如刀劍常食魚遇得麋鹿及人亦噉之

突厥絞頸以驗脩短北史

突厥其俗被髮左衽穹廬氈帳隨逐水草遷徙以畜牧射獵為事食肉飲酪身衣裘褐賤老貴壯寡廉耻無禮義猶古之匈奴其主初立近侍重臣等與之以氈隨日轉九回每回臣下皆拜拜訖乃扶令乘馬以帛絞其頸使纒不至絕然後釋而急問之曰你能作幾年可汗其主既神情昏亂不能詳定多少臣下等隨其所言以驗脩短之數

匈奴異俗北史

匈奴字莫槐出遼東塞外其先南單于之遠屬也世為東部大人其語與鮮卑頗異人皆剪髮其頂上以為首飾長過數寸則截短之婦女被長襦及足而無裳焉秋收烏頭為毒藥以射禽獸

高車婚娉北史

高車其俗踣踞繫鬣無所忌避婚姻用牛馬納娉以為祭結言既定男黨營車闌馬令女黨恣取上馬祖乘出闌馬主立闌外振手驚馬不墜者即取之墜則更取數滿乃止俗無殺不作酒迎婦之日男女相將持馬酪熟肉節解主人延賓亦無行位穹廬前叢坐飲宴終日復留其宿明日將婦歸既而夫黨還入其家馬群極取良馬父母弟兄雖惜終無言者頗諱取寡婦而優憐之

高車異俗北史

高車之俗其畜產自有記識雖闌縱在野終無妄取俗不清潔喜致震霆每震則叫呼射天而集之移去來歲秋馬肥復相率候於震所埋殺羊然火拔刀女巫祝說似如中國被除而群隊

馳馬旋繞百匝乃止人持一束柳棧回豎之以乳酪灌馬婦人以皮裹羊骸戴之首上縈屈髮髻而綴之有似軒冕其死亡葬送掘地作坎坐尸於中張臂引弓佩刃挾稍無異於生而露坎不掩時有震死及疫厲則為之祈福若安全無他則為報賽多殺雜畜燒骨以燎走馬遶旋多者數百世男女無小大皆集會平吉之人則歌舞作樂死喪之家則悲吟哭泣其遷徙隨水草衣皮食肉牛羊畜產盡與蠕蠕同唯車輪高大輻數至多

烏菴爭訴服藥北史

烏菴國在賒彌南北人有爭訴服之以藥曲者發狂直言無恙為法不殺犯死罪唯徙於靈山西南有檀特山山上立寺以驢數頭運食山下無人控御自知往來也

女國剥皮埋骨北史

女國在葱嶺南其國世以為王其俗婦人輕丈夫而性不妬心男女皆以彩色塗面而一日中或數度變改之人皆被髮貴人死剥皮以金屑和骨肉置瓶中埋之經一年又以其皮肉鐵器埋之俗事阿脩羅神又有樹神歲初以人祭或用獼猴祭畢入山祝之有一鳥如雌雉來集掌上破其腹視之有衆粟則年豐沙石則有災謂之鳥卜

吐火羅兄弟同妻北史

吐火羅國都葱嶺西五百里其俗奉佛兄弟同妻迭寢焉每一人入房戶外挂其衣以為志生子屬其長兄其山穴中有神馬每歲牧馬於穴所必產名駒

曹國故事得悉神北史

曹國都那密水南數里國中有得悉神自西海以東諸國竝敬

事之其神有金人破羅闍人丈有五尺高下相稱每日以駝五頭馬十疋羊一百口祭之常有數千人食之不盡

穆國祠順天神 北史

穆國都烏訶河之西其俗重淫祠葱嶺山有順天神者儀制極華金銀鑠為屋以銀為地祠者日有千餘人祠前有一魚脊骨有孔中通馬騎出入國王戴金牛頭冠坐金馬座

蠻獠好淫祀 北史

僚者蓋南蠻之別種無氏族之別依樹積木以居其上名曰干闌好相殺害若殺其父走避外求得一狗以謝不復嫌恨若報怨必殺而食之其俗畏鬼神尤尚淫祀所殺之人美鬢髻者乃剥其面皮籠之於竹及燥號之曰鬼鼓舞祀之以求福利至有賣其昆季妻孥盡者乃自賣以供祭焉

赤土國構棚焚屍 北史

赤土國扶南之別種也其俗皆穿耳翦髮無跪拜之禮以香油塗身其俗敬佛尤重婆羅門婦人作髻於項後男女通以朝霞朝雲雜色布為衣豪富之家恣意華麗雀金鑠非王賜不得服用每婚嫁擇吉日女家先期五日作樂飲酒父執女手以授婿七日乃配既娶即分財別唯少子與父居父母兄弟死則剔髮素服就水上構竹木為棚棚內積薪以屍置上燒香建幡吹蠶擊鼓以送火焚薪遂落於水貴賤皆同唯國王燒訖收灰貯以金瓶藏於廟屋冬夏常溫雨多瘴少種植無時特宜稻稔白豆黑麻自餘物產多同於交趾以甘蔗作酒雜以紫瓜根酒色黃赤味亦香美亦以椰漿為酒

噉噉兄弟同喪 北史

噉啗國大月氏之種類也其俗兄弟共一妻夫無兄弟者妻戴一角帽若有兄弟者依其多少之數更加帽焉衣服類加以纓絡頭皆剪髮

于闐不見王髮北史

于闐國其王髮不令人見俗言若見王髮其年必儉云

且末熱風為患北史

且末國西北有流沙數百里夏月有熱風為行旅之患風之所至唯老駝預知之即噴而聚立埋其口鼻於沙中人無以為候亦即將氈擁蔽鼻口其風迅駛斯須過盡若不防者必至危斃

波知池龍北史

波知國在鉢和西南有三池傳云大池有龍王次者有龍婦小者有龍子行人經之設祭乃得過不祭多遇風雪之困

西屠夷以二月為歲首唐書

西屠夷其地冬温多霧雨崖虎魄猩猩獸結遼鳥以二月為歲首稻歲再熟取檳榔瀋為酒椰葉為席俗凶悍果戰鬥以麝塗身日再塗再滌拜謁則合爪頓顙有文字喜浮屠道冶金銀像大或十圍呼王為陽蒲通王妻為陀陽阿德太子為阿長通宰相為婆漫地王所居曰占城別居曰齊國曰蓬皮勢王衣白氈古貝斜絡臂飾金琲為纓髮戴金華冠如章甫妻服朝霞古貝短裙冠纓如王王衛兵五千戰乘象藤為鎧竹為弓矢率象千馬四百分前後不設刑有罪者使象踐之或送不勞山界自死

婆賄伽盧製度唐書

婆賄伽盧國土熱衢路植椰子樹仰不見日王居以金為甃

厨覆銀瓦爨香木堂飾明珠有一池以金為隄舟楫皆飾金寶
驛王姓困沒長名摩羅惹其相名曰摩訶那王出與以金網狀
遠則乘象嬪史數百人青甕為圓城周百六十里有十二門四
隅作浮圖民皆居中鉛錫為瓦荔支為材俗惡殺拜以手抱臂
稽顙為恭明天文喜佛法有百寺琉璃為甍錯以金銀丹彩紫
鑲塗地覆以錦蜀王居亦如之民七歲祝髮止寺至二十有不
達其法復為民衣用白氎朝霞以蠶帛傷生不敢衣戴金花冠
翠冒絡雜珠玉宮設金銀二鍾寇至焚香擊之以占吉凶有巨
白象高百尺訟者焚香跪象前自思是非而退有災疫王亦焚
香對象跪自咎無桎梏有罪者束五竹撻皆重者五輕者三殺
人則死土宜菽粟稻梁蔗大若脛無麻麥以金銀為錢形如半
月號登伽佗亦曰足彈陀無膏油以蠟雜香代炷與諸蠻古以

江猪白氎琉璃鑿缶相易婦人當頂作高髻飾銀珠琲衣青娑
裙披羅段行持扇貴家者傍至五六

吐蕃戴珠五代史

吐蕃男子冠中國帽婦人辨髮戴瑟瑟珠云珠之好者一珠易
一良馬

于闐好佛五代史

于闐聖天衣冠如中國其殿皆東向曰金冊殿有樓曰七鳳樓
以蒲桃為酒又有紫酒青酒不知其所釀而味尤美其食粳沃
以蜜粟沃以酪其衣布帛有園圍花木俗喜鬼神而好佛聖天
居處嘗以紫衣僧五十人列侍

党項人壽五代史

党項西羗之遺種其國在禹貢折支之地東至松州西接葉護

南界春桑北隣吐渾有地三千餘里無城邑而有室屋以毛扇覆之其人喜盜竊而多壽往往至百五六十歲其大姓有細封氏費聽氏折氏野利氏拓拔氏為最強

韃劫子生而食肉五代史

韃劫子其人髦首披布為衣不鞍而騎大弓長箭尤善射遇人輒殺而生食其肉契丹等國皆畏之契丹五騎遇一韃劫子則皆散走

契丹頑傲五代史

契丹比佗夷狄尤頑傲父母死以不哭為勇載其尸深山置大木上後三歲往取其骨焚之騎而呪曰夏時向陽食冬時向陰食使我射獵猪鹿多得其風俗與奚靺鞨頗同

鐵甸異俗五代史

鐵甸其族野居皮帳而人剛勇其地少草木水鹹濁色如血澹之久而後可飲又東女真善射多牛鹿野狗其人無定居行以牛負物遇雨則張革為屋常作鹿嗚呼鹿而射之食其生肉能釀糜為酒醉則縛之而睡醒而後解不然則殺人

殊方產物五代史

唐明宗遣使者冊仁裕為順化可汗晉高祖時又冊為奉化可汗阿咄欲不知其為狄銀親疏亦不知其立卒而仁裕訖五代常來朝貢史亦失其紀其地出玉羴牛綠野馬獨峯馳白貂鼠羴羊角翎砂脰膈金剛鑽紅鹽屬鴉騶駝之革其地宜白麥青麩麥黃麻葱韭胡荽以橐駝耕而種其可汗常樓居妻號天公主其國相號媚祿都督見可汗則去帽被髮而入以為禮婦人總髮為髻高五六寸以紅絹囊之既嫁則加冠帽又有別族

號龍家其俗與回紇小異

姬厥律國出魚鼠五代史

姬厥律其人長大髦頭酋長全其髮盛以紫囊地苦寒水出大魚契丹仰食又多黑白黃貂鼠皮北方諸國皆仰足其人鼠勇隣國不敢侵

胡嶠陳契丹大畧五代史

蕭翰鎮汴州聞遼太宗德光死北歸有同州郃陽縣令胡嶠為翰掌書記隨入契丹而翰妻爭妬告翰謀反翰見殺嶠無所依居虜中七年當周太祖廣順三年亡歸中國略能道其所見云自幽州西北人居庸關明日又西北入石門關關路崖狹一夫可以當百此中國控扼契丹之險也又三日至可汗州南望五臺山其峯最高者東臺也又三日至新武州西北行五十里有

雞鳥山云唐太宗北伐聞雞鳴于此因以名山明日入永定關此唐故關也又四日至歸化州又二日登天嶺嶺東西連亘有路北下四顧真然黃雲白草不可窮極契丹謂嶠曰此辭鄉嶺也可一南望而為永訣同行者皆慟哭往往絕而復蘇又行三四日至黑榆林時七月寒如深冬又明日入斜谷谷長五十里高崖峻谷仰不見日而寒尤甚已出谷得平地氣稍溫又行二日渡湟水又明日渡黑水又二日至湯城淀地氣最溫契丹苦大寒則就溫于此其水泉清冷草軟如茸可藉以寢而多異花記其二種一曰旱金大如掌金色燦人一曰青囊如中國金燈而色類藍可愛又行三日遂至上京所謂西樓也西樓有邑屋市肆交易無錢而用布有綾錦諸工作官者翰林伎術教坊角觝秀才僧尼道士等皆中國人而弁汾幽薊之人尤多自上京

東去四十里至真珠寨始食菜明日東行地勢漸高西望平地
松林鬱然數十里遂入平川多草木始食西瓜云契丹破回紇
得此種以牛糞覆棚而種大如中國冬瓜而味甘又東行至襄
潭始有柳而水草豐美有息雞草尤美而本大馬食不過十本
而飽自襄潭入大山行十餘日而出過一大林長二三里皆蕪
夷枝葉有芒刺如箭羽其地皆無草兀欲時卓帳于此

于闐無水常寒五代史

于闐國鳴沙山云冬夏殷殷有聲如雷云禹貢流沙也又東南
十里三危山云二苗之所窺也其西渡都鄉河曰陽關沙州西
曰仲雲族其牙樞居胡盧磧云仲雲者小月支之遺種也其人
勇而好戰瓜沙之人皆憚之胡盧磧漢明帝時征匈奴屯於
吾盧蓋其地也地無水而常寒多雪每天暖雪銷乃得水巨艱

行入仲雲界至大屯城仲雲遣宰相四人都督三十七人
以詔書慰諭之皆東向拜自仲雲界西始涉
水掘地得濕沙人置之甕以止渴又西渡陷河伐檉
乃渡不然則陷又西至紺州紺州于闐所置也在沙州西
去京師九千五百里矣又行二日至安軍州

于闐諸沙五代史

晉高祖天福三年冬十二月張匡鄴等自靈州行二歲
聞至七年冬乃還而居誨頗記其往復所見山川諸國而
道聖天世次也居誨記曰自靈州過黃河行三十里始涉
入光項界曰細腰沙神點沙至三公沙宿月支都督帳自此
以行四百餘里至黑堡沙沙尤廣遂登沙嶺沙嶺党項牙也其
曰於崖天子渡白亭河至涼州自涼州西行五百里至甘州

甘州回鶻牙也其南山百餘里漢小月支之故地也有別族號
虛鳥山沙陀云朱耶氏之遺族也

西夏風土遼史

西夏本魏拓跋氏後其地則赫連國也遠祖思恭唐季受賜姓
曰李涉五代至宋世有其地至李繼遷始大據夏銀綬宥靜五州
歸德七鎮其東西二十五驛南北十餘驛子德明曉佛書通法
律嘗觀太一金鑑一訣野戰歌製番書十二卷又製字若符篆其
冠衣白窄衫繡冠冠後垂紅結綬自號嵬名設官分文武其冠
用金縷貼間起重銀紙帖緋衣金塗銀帶佩蹀躞解錐短刀弓
矢穿靴禿髮耳垂環紫旋襪六襲出入乘馬張青蓋以二旗前
從者百餘騎庶衣青綠革樂之五音為一音裁禮之七拜
為三拜

天竺國俗宋史

天竺國舊名身毒亦曰摩伽陀復曰婆羅門俗宗浮圖道不飲
酒食肉漢武帝遣使十餘輩問出西南指求身毒為昆明所閉
莫能通至漢明帝夢金人於是遣使天竺問佛道法由是其教
傳於中國

南毗國灑地以防颶風宋史

南毗國在大海之西南由三佛齊風颶月餘可至其國王每巡
行先期遣兵百餘人持水灑地上以防颶風揚沙塵列昂百以
進食日一易之置翰林官供王飲食俗喜戰鬥習刀稍善射鑿
雜白銀為錢產真珠布其國最遠番舶罕到時羅巴智力干
父子其種類也居泉之城南自是船舶多至其國矣

勃泥國昏聘飲椰子酒宋史

勃泥國在西南大海中去蘭婆四十五日程去三佛齊四十日
程去占城與摩逸各三十日程皆計順風為測其國以版為城
城中居者萬餘人所統十四州其王所居屋
覆以草在王左右者為大人王坐繩牀若出
衆昇之名曰阮囊戰鬪者則持刀被甲甲以
之於身護其腹背其地無麥有麻稻又有
吉貝花織成布飲椰子酒皆聘之資先以
環又次之然後以吉貝布或量出金銀成
以竹為輦載棄山中

三佛齊國俗
十五州土產紅藤紫礦黛硃香檀椰子

所管
金銀

貿易諸物
無麥有米及青白
真臘國戰象
宋史

真臘國亦名占臘其國在占城之南東際海西接蒲甘南抵加
羅希其縣鎮風俗同占城地方七千餘里有銅臺列銅塔二十
有四銅象八以鎮其上象各重四千斤其國有戰象幾二十萬
馬多而小

丹眉流國以版為屋
宋史

丹眉流國東至占臘五十程南至羅越水路十五程西至西天
三十五程北至程良六十程東北至羅斛二十五程東南至閣
婆四十五程西南至程若十五程西北至洛華二十五程東北
至廣州一百三十五程其俗以版為屋跣足衣布無紳帶以白

紆纏其首貿易以金銀其主所居廣袤五里無城郭出則乘象車亦有小駟地出犀象鍤石紫州蘇木諸藥四時炎熱無雪霜未嘗至中國

注輦國異產宋史

注輦國東距海五里西至天竺千五百里南至羅里北至頓田三千里自古不通中國水行至廣州一十四百里其國有城七重高七尺南北十二里城相去百步凡四城用磚一城用土最中城以木果雜木其第一至第三皆民居環以小河第四城第五城主之四子居之第六城為佛寺百僧居之所居室四百餘區所統有二十一部落地產真頗黎檳榔豆蔻吉貝布獸有山羊黃牛禽有山鷄

甘藤羅千年棗椰子甘羅峴梅娑羅蜜等花有白木利散絲蛇臍佛桑麗秋青黃碧娑羅瑤蓮蟬紫水蕉之類

層檀國俗宋史

層檀國在南海傍城距海二十里熙寧四年始入貢海道便風行百六十日經勿巡古林三佛齊國乃至廣州其王名亞美羅亞眉蘭傳國五百年十世美人語音如犬食地春冬暖貴人以越布纏頭服花錦白氎布出入乘象馬有奉祿其法輕罪杖重罪死穀有稻粟麥食有魚畜有綿羊山羊沙牛水牛橐駝馬犀象藥有木香血竭沒藥鵬砂阿魏薰陸產真珠玻璃蜜沙華三酒交易用錢官自鑄三分其齊金銅相半而銀居一分禁民私鑄元豐六年使保順郎將層伽尼再至神宗念其絕遠詔頒賚如故事仍加賜白金二千兩

銅鼓集衆宋史

徽宗大觀二年融州蠻其俗鑄銅為大鼓初成懸庭中置酒以
召同類爭以金銀為大釵叩鼓去則以釵遺主人相攻擊鳴鼓
以集衆號有鼓者為都老衆推服之唐末諸酋分據其地自為
刺史

父質與子宋史

徽宗大觀二年有融州屬蠻大丘洞首領楊光朝請內附又有
楊克端等百三人來歸皆納之諸蠻族類不一大抵依阻山谷
並林木為居椎髻跣足疋險如履平地言語侏離衣服編爛畏
鬼神喜淫祀刻木為契不能相君長以財力雄疆每忿怒則推
刃同氣加兵父子間復讎怨不顧死出入腰弓矢匿草中射人
得牛酒則釋然矣親戚比隣指授相賣父子別業父貧則質身

於子去禽獸無幾

稻粟再熟宋史

西南諸夷漢牂牁郡地武帝元鼎六年定西南夷置牂牁郡唐
置費珍莊琰播郎牂牁夷等州其地北距充州百五十里東
距辰州二千四百里南距交州一千五百里西距昆明九百里
無城郭散居村落土熟多霖雨稻粟皆再熟無徭役將戰征乃
也聚刻木為契其法劫盜者償其主三倍殺人者出牛馬三十
頭與其家以贖死疾病無醫藥但擊銅鼓銅沙鑼以祀神

交趾地理風土宋史

交趾本漢初南越之地漢武平南越分其地為儋耳珠崖南海
蒼梧鬱林合浦交趾九真日南凡九郡置交趾刺史以領之後
漢置交州晉宋齊梁陳因之又為交趾郡隋平陳廢郡置州場

帝初廢州置郡唐武德中改交州總管府太宗端拱元年加黎
桓檢校太尉進邑千戶實封五百戶遣戶部郎中魏庠虞部員
外郎直史館李度往使焉太宗淳化元年夏加黎桓特進邑千
戶實封肆伯戶遣左正言直史館宋鑄右正言直史館王世則
又使焉明年六月歸闕上令條列山川形勢及黎桓事迹以聞
鑄等具奏曰去歲秋末抵交州境桓遣牙內都指揮使丁承正
等以舩九艘卒三百人至太平軍來迎由海口入大海冒涉風
濤頗歷危險經半月至白藤徑入海汊乘潮而行凡宿泊之所
皆有茅舍三間營葺尚新自為館驛至長州漸近本國桓張皇
虛誕務為誇詫盡出舟師戰懼謂之軍自是宵征抵海岸至交
州僅十五里有茅亭五間題曰茅徑驛至城一百里縣部民畜
產妄稱官牛數不滿千揚言十萬又廣率其民混於軍旅以雜

色之衣乘船鼓噪近城之山虛張白旗以為陳兵之象俄而
從巨至展郊迎之禮桓歛馬側身問皇帝起居畢扶轡偕行時
以檳榔相遺馬上食之此風俗待賓之厚意也城中無居民止
有茅竹屋數十百區以為軍營而府署湫隘題其門曰明德門
桓質陋而目眇自言近歲與蠻寇接戰墜馬傷足受詔不拜信
宿之後乃張筵飲宴又出臨海汊以為娛賓之遊桓跣足持竿
入水標魚每中一魚左右皆叫譟歡躍凡有宴會預坐之人悉
令解帶冠以帽子桓多衣花纈及紅色之衣帽以真珠為飾或
自歌勸酒莫能曉其詞嘗令數十人扛大蛇長數丈饋於使館
且曰若能食此當治之為饌以獻焉

流求國風土宋史

流求國在泉州之東有海島曰澎湖煙火相望其國整柵三重

環以流水植棘為藩以刀稍弓矢劍鼓為兵器時月盈虧以紀時無他奇貨商賈不通厥土沃壤無賦歛有事則均稅旁有毗舍邪國語言不通袒裸盱眙殆非人類

榴花成酒 宋史

黎洞唐故瓊管之地在大海南距雷州泛海一日而至其地有黎毋山黎人居焉舊說五嶺之南人雜夷獠朱崖環海豪富兼并役屬貧弱婦人服緦縵績木皮為布陶土為釜器用甌駝人飲石汗又有椒酒以安石榴花著甕中即成酒俗呼山嶺為黎居其間者號曰黎人

土產 夷狄之國所產物者

漢使取實來獻史記

宛左右多以蒲陶為酒富人藏酒至萬餘石久者數十歲不敗俗者酒馬嗜苜蓿漢使取其實來於是天子始種苜蓿蒲陶肥饒地及天馬多外國使來衆則離宮別觀旁盡種蒲陶苜蓿

哀牢出蘭干細布 後漢

哀牢夷明帝時置哀牢博南二縣哀牢人皆穿鼻僂耳其渠帥自謂王者耳皆下肩三寸庶人則至肩而已土地沃美宜五穀蠶桑知染采文繡罽毼帛疊蘭干細布織成文章如綾錦有梧桐木華績以為布幅廣五尺潔白不受垢汗先以覆亡人然後服之其竹節相去一丈名曰濮竹出銅鐵鉛錫金銀光珠虎魄水精瑠璃軻蟲蚌珠孔雀翡翠犀象猩猩貂獸

斯調國火布 魏書

斯調國有火州在南海中其上有野火春夏自生秋冬自死有

木生於其中而不消也枝皮更活秋冬火死則皆枯瘁其俗常冬采其皮以為布色小青黑若塵垢滲之便投火中則更鮮明也

崑崙墟火布 魏書

崑崙之墟有炎火之山山上有鳥獸草木皆生於炎火之中故有火浣布非此山草木之皮象則其鳥獸之毛也

南荒火鼠 魏書

南荒之外有火山長三十里廣五十里其中皆生不燼之木晝夜火燒得暴風不猛暴雨不滅火中有鼠重百斤毛長二尺餘細如絲可以作布常居火中色洞赤時時出外而色白以水逐而沃之即死續其毛織以為布

大宛汗血馬 晉書

大宛西去洛陽萬三千三百五十里南至大月氏北接康居大小七十餘城土宜稻麥有蒲陶酒多善馬馬汗血其人皆深目多鬚其俗娶婦先以金同心指錄為娉又以三婢試之不男者絕婚姦淫有子皆卑其母與人馬乘不調墜死者馬主出斂具善賈爭分銖之利得中國金銀輒為器物不用為幣也太康六年武帝遣使楊顯拜其王藍度為大宛王藍度卒其子摩之立遣使貢汗血馬

大秦以金銀為錢 晉書

大秦國一名犁鞞在西海之西其地東西南北各數千里有城邑其城周迴百餘里屋宇皆以珊瑚為椽栴琉璃為牆壁水精為柱礎其王有五宮其宮相去各十里每旦於一宮聽事終而復始若國有災異輒更立賢人放其舊王被放者亦不敢怨有

官曹簿領而文字習胡亦有白蓋小車旌旗之屬及郵驛制置
一如中州其人長大貌類中國人而胡服其土多出金玉寶物
明珠大具有夜光璧駭雞犀及火浣布又能刺金縷繡及織錦
縷扇以金銀為錢銀錢十當金錢之一安息天竺人與之交市
於海中其利百倍鄰國使到者輒廩以金錢

林邑出產金貝南史

林邑國本漢日南郡象林縣古越裳界也後漢伏波將軍馬援
開南境置此縣其國有金山石皆赤色其中生金金夜則出飛
狀如螢火又出瑇瑁貝齒古貝沈木香古貝者樹名也其華成
時如鵝毳抽其緒紡之以作布布與紵布不殊亦染成五色織
為班布沈木香者土人斫斷積以歲年朽爛而心節獨在置水
中則沈故名曰沈香沈浮者棧青

扶南國出產金寶南史

扶南國日南郡之南海西大灣中去日南可七千里在林邑西
南三千餘里城去海五百里有大江廣十里從西流東入海其
國廣輪三千餘里土地洿下而平博氣候風俗大較與林邑同
出金銀銅錫沈木香象犀孔雀五色鸚鵡其南界三千餘里有
頓遜國在海崎上地方千里城去海十里有五王並羈屬扶南
頓遜之東界通交州諸賈人其西界接天竺安息徼外諸國往
還交易其市東西交會日有萬餘人珍物寶貨無不有又有酒
樹似安石榴采其花汁傳瓮中數日成酒

倭國異產南史

倭國其先所出及所在事詳北史其官有伊支馬次曰彌馬獲
支次曰奴往鞮人種禾稻紵麻蠶桑織績有薑桂橘椒蘇出黑

維真珠青至有獸如牛名山鼠又有大地吞此獸地皮堅不可斫其上有孔乍開乍閉時或有光射中而地則死矣

扶桑以皮作錦南史

扶桑國者齊永元元年其國有沙門慧深來至荊州說云扶桑在大漢國東二萬餘里地在中國之東其土多扶桑木故以為名扶桑葉似桐初生如笋國人食之實如梨而赤績其皮為布以為衣亦以為錦作板屋無城郭有文字以扶桑皮為紙

扶南火樹皮堪紡績南史

扶南國東界即大漲海海中有大洲洲上有諸薄國國東有馬五洲復東行漲海十餘里至自然大洲其上有樹生火中洲左近人剥取其皮紡績作布以為手中與蕉麻無異而色微青黑若小垢澇則投火中復更精潔或作燈炷用之不知盡

高昌白疊子南史

高昌國蓋車師之故地南接河南東近敦煌西次龜茲北隣敕勤其地高燥築土為城架木為屋土覆其上寒暑與益州相似備植九穀人多噉麵及牛羊肉出良馬蒲桃酒石鹽多草實如薊中絲如細纒名曰白疊子國人取織以為布布甚軟白交市用焉

大秦神龜白馬北史

大秦國一名黎軒多瑇瑁琅玕神龜白馬朱鬣明珠夜光璧西海水之西有河河西南流河西有南北山山西有赤水西有白玉山玉山西有西王母山玉為堂室

龜茲流膏北史

龜茲國在尉犁西北山之南一百七十里其國西北大山中

有如膏者流出成川行數里入地狀如餅餠甚臭服之髮齒已落者能令更生癩人服之皆愈

高昌赤白鹽北史

高昌者車師前王之故地也氣候溫暖厥土良沃穀麥一歲再熟宜蠶多五果人饒漆有草名羊刺其上生蜜而味甚佳引水溉田出赤鹽其味甚美復有白鹽其形如玉高昌人取以為枕貢之中國多蒲桃酒俗事天神兼信佛法國中羊馬牧在隱僻處以避寇非貴人不知其處

大食產龍馬唐書

大食本波斯地歲獻貴人蒲陶大者如雞卵有千里馬傳為龍種

拂菻出奇寶唐書

拂菻古大秦也其土多金銀夜光璧明月珠大貝車磔碼碯木難孔翠虎魄織水羊毛為布曰海西布海中有珊瑚洲海人乘大舶墮鐵網水底珊瑚初生磐石上白如菌一歲而黃三歲赤枝格交錯高三四尺鐵發其根繫網舶上絞而出之失時不取即腐

扶南出剛金唐書

扶南在日南之南七十里地卑窪與環王同俗有城郭宮室王姓古龍居重觀柵城楮葉以覆屋王出乘象其人黑身髮髮儼行俗不為寇盜田一歲種三歲穫國出剛金狀類紫石英生水底石上人沒水取之可以刻玉扣以殺魚

吐火羅有神馬唐書

吐火羅或曰土豁羅元魏謂吐呼羅者少女多男北有頗黎山

其陽穴中有神馬國人游牧牝于側生駒輒汗血其玉號葉護

地大洲產火珠唐書

環王東南至地大洲多馬亦號馬禮表長數千里多火珠大者如雞卵圓白照數尺日中以艾藉珠輒火出產瑤瑁文螺石玳初取柔可治既鑊刻即堅有舍利鳥通人言俗黑身朱髮而承鷹爪獸牙穿耳傳璫以古貝橫一幅縹于腰古貝草也緝其祀為布粗曰貝精曰氈

吐蕃宜馬五代史

吐蕃國當唐之盛時河西隴右三十三州涼州最大土沃物繁而人富樂其地宜馬唐置八監牧馬三十萬匹

西夏上產遼史

西夏上產大麥華豆青裸床子古子蔓鹹地蓬實莢菘苗小蕪

美席雞草子地黃葉登廂草沙葱野韭拒反蔣白蒿鹹地也實

閩婆國俗宋史

閩婆國在南海中其國東至海一月汎海半月至崑崙國西至海四十五日南至海三日汎海五日至大食國北至海四日西北汎海十五日至勃泥國又十五日至三佛齊國又七日至古邏國又七日至柴厝亭抵交趾達廣州其地平坦宜種植產稻麻粟豆無麥民輸十一之租煮海為鹽多魚鱉雞鴨山羊無椎牛以食果實有木瓜椰子蕉子甘蔗芋出金銀犀牙箋沉檀香苗香胡椒檳榔疏黃紅花蘇木亦務蠶織有薄綃絲紋吉貝布剪銀葉為錢博易

拂菻國俗宋史

拂菻國東南至滅力沙北至海四十程西至海三十程東自

西大食及于闐回紇青唐乃抵中國歷代未嘗朝貢元豐四年十月其王威力伊靈改撒始遣六首領修斯都令斯孟判來獻鞍馬刀劍真珠言其國地甚寒土屋無瓦產金銀珠西錦牛羊馬獨峰駝梨杏千年棗已攬粟麥以蒲萄釀酒樂有箜篌壘琴小箏篋偏鼓

占城物產宋史

占城國在中國之西南東至海西至雲南南至真臘國北至驪州界汎海南去三佛齊五百程陸行至賓佉羅國一月程其國隸占城焉土地所出笈沉香檀栴檀烏楠木蘇木白藤黃蠟吉貝花布絲絞布白疊布藤篋貝多葉金銀鐵錠等物玉穀無麥有秔米粟豆麻子官給種一斛計租百斛果實有蓮甘蔗蕉椰子椰子鳥獸多孔雀犀牛畜產多黃牛水牛而無驢亦有山牛不

任耕耨但殺以祭鬼

自恃

倚恃本國之強者

宛國不肯予馬史記

漢武帝時使者多言宛有善馬上仕貳師城匿不肯與漢使天子既好宛馬聞之甘心使壯士車公等持千金及金馬以請宛王一師城善馬宛國饒漢物相與謀曰漢去我遠而鹽水中數敗出其北有故寇出其南乏水草且往往而絕邑乏食者多漢使數百人為輩來而常乏食死者過半是安能致大軍乎無奈我何且貳師馬宛寶馬也遂不肯予

詭詐

夷狄有詭譎虛詐者

阿保機智殺諸部 五代史

契丹阿保機亦不知其何部人也為人多智勇而善騎射是時劉守光暴雲幽涿之人多亡入契丹阿保機乘間入塞攻陷城邑俘其人民徙唐州縣置城以居之漢人教阿保機曰中國之王無代立者由是阿保機益以威制諸部而不肯代其立九年諸部以其久不代共責誚之阿保機不得已傳其旗鼓而謂諸部曰吾立九年所得漢人多矣吾欲自為一部以治漢城可乎諸部許之漢城在炭山東南樂河上有鹽鐵之利乃後魏滑鹽縣也其地可植五穀阿保機率漢人耕種為治城郭邑屋廛市如幽州制度漢人安之不復思歸阿保機知衆可用用其妻述律策仗人告諸部大人曰我有鹽池諸部所食然諸部知食鹽之利而不知鹽有主人可乎當木犒我諸部以為然共以牛酒

會鹽池阿保機伏兵其旁酒酣伏發盡殺諸部大人遂立不復代

兀欲執趙延壽 五代史

兀欲東丹王子也兀欲妻趙延壽以為妹五月朔旦兀欲召延壽及張礪李崧馮道等置酒酒數行兀欲謂延壽曰妹自國來當一見之延壽欣然與兀欲俱入食頃兀欲出坐笑謂礪等曰燕王延壽謀反鎖之矣諸君可無慮也又曰先帝耶律德先在汴州與我筭子一莖許我知南朝軍國事昨聞寢疾無遺命燕王安得自擅邪礪等罷去兀欲召延壽廷立而詰之延壽不能對乃遣人監之而籍其家貲

借擅

夷狄借表而擅為者

社論強大北史

社論與姚興和魏道武遣材官將軍和突襲黠弗素古延諾部社論遣騎救素古延突逆擊破社論遠遁漠北得高車深入其地遂并諸部凶勢益振北徙弱洛水始立軍法千人為軍軍置將一人百人為幢幢置帥一人先登者賜以虜獲退懦者以石擊首殺之或臨時捶撻無文記將帥以羊屎粗計兵數後頗知刻木為記其西北有匈奴餘種國尤富疆部帥曰換也稽舉兵擊社論逆戰於額根河大破之後盡為社論所并號為疆盛隨水草畜牧其西則為著之地東則朝鮮之地北則渡沙漠窮瀚海南則臨大磧其常所會庭敦煌張掖之北小國皆苦其寇抄羈縻附之於是自號豆代可汗豆代猶魏言駕馭開張也可汗猶魏言皇帝也蠕蠕之俗君及大臣因其下亦即為稱號也

中國主謚既死之後不復追稱

耶律德光以晉王為子五代史

遼太宗耶律德光時唐遣趙德均延壽救敬遠而德均父子按兵圍柏谷不救德光謂石敬瑭曰吾三千里赴義義當徹頭乃築壇晉城南立敬瑭為皇帝自解衣冠被之冊曰咨爾子晉王子視爾猶子爾視猶父也而楊光遠殺敬遠降晉晉高祖自太原入洛陽德均之子趙德鈞延壽出降德光謂晉高祖曰大事已成吾命大矣德均之子高祖渡河吾亦自此俟爾入洛而後北歸訣執手濡歎曰吾以衣高祖遺以良馬二十匹戰馬十二匹戒曰子子孫孫無相忘

高麗自立宋史

高麗本曰高句麗禹別九州屬冀州之地周為箕子之國漢之

玄菟郡也在遼東蓋扶餘之別種以平壤城為國邑漢魏以來常通燕貢亦屢為邊寇隋煬帝再舉兵唐太宗親駕伐之皆不克高宗命李勣征之遂拔其城分其地為郡縣唐末中原多事遂自立君長

暴雷

夷狄有之強暴而殘雷者

突欲吮血五代史

兀欲東丹王突欲子也突欲奔于唐兀欲留不從號永康王契丹好飲人血突欲左右姬妾多刺其臂吮之其小過輒挑目封灼不勝其毒

麻谷酷雷五代史

麻谷者契丹立德光之從弟也德光滅後晉以為邢州節度使

兀欲立命守鎮州麻谷尤酷雷多略中國人剝面抉目拔髮斷腕而殺之出入常以鉗鑿挑割之具自隨寢處前後掛人肝脛手足言笑自若鎮定之人不勝其毒

篡逆

夷狄之篡主自立者

林邑奴文自立晉書

林邑國主范逸死奴文篡位文曰南西卷縣夷帥范稚奴也嘗牧牛澗中獲二鯉魚化成鐵用以為刀刀成乃對大石嶂而呪之曰鯉魚變化治成雙刀石嶂破者是有神靈進斫之石即瓦解文知其神乃懷之隨商估往來見上國制度至林邑遂教逸作宮室城邑及器械逸甚愛信之使為將文乃譖逸諸子或徙或奔及逸死無嗣文遂自立為王以逸妻妾悉置之高樓從已

者納之不從者絕其食於是乃攻大歧界小歧界式僕徐狼屈
都乾魯扶單等諸國并之有衆四五萬人

惡逆

夷狄弑逆者

蓋蘇文弑君 唐書

高麗蓋蘇文者或號蓋金姓泉氏自云生水中以惑衆性忍暴
父為東部大人對盧死蓋蘇文當嗣國人惡之不得立頓首
謝衆請攝職有不可雖廢無悔衆哀之遂嗣位殘凶不道諸大
臣與其君建武議誅之蓋蘇文覺悉召諸部紇云大閱兵列饌
具請大臣臨視賓至盡殺之凡百餘人馳入宮殺建武殘其尸
投諸溝更立建武弟之子藏為王自為莫離支專國猶唐兵部
尚書中書令職云

兀欲幽囚祖母 五代史

兀欲為人雋偉亦工畫能飲酒好禮士耶律德光嘗賜以緞數
千匹兀欲散之一日而盡兀欲已立先遣人報其祖母述律述
律怒曰我兒平晉取天下有大功業其子在戎側者當立人皇
王背我歸中國其子豈得立邪乃率兵逆兀欲將廢之兀欲留
其將麻谷守鎮州晉諸將相隨德光在鎮州者皆留之而去以
翰林學士徐台符李瀚從行與其祖母述律相距于石橋述律
所將兵多亡歸兀欲兀欲乃幽述律於祖州祖州阿保機墓所
也

窮夷

窮極遠夷之遠者

契丹欲窮所見 五代史

契丹嘗選百里馬二十匹遺十人賁乾鈔北行窮其所見其人
自黑車子歷牛蹄國以北行一年經四十三城居人多以木皮
為屋其語言無譯者不知其國地山川部族名目地氣遇平
地則溫而山林則寒列至三十三城得一人能鐵甸語其言頗
可解云地名韻利烏干郎堰云自此以北龍蛇猛獸魑魅羣行
不可往矣

邊害

夷狄寇邊為惠害者

遼東西部落寇邊魏書

漢末遼西烏丸大人丘力居衆五千餘落上谷烏丸八人難樓
衆九千餘落各稱王而遼東屬國烏丸大人蘇僕延衆千餘落
自稱峭王右北平烏丸大人烏延衆八百餘落自稱汗魯王皆

張純扶入

刀居衆中目號彌天

魏略青徐地

西州殺略夷氏靈帝末以

判純首北州

定後丘力居死樓班年

部衆皆從其教令去紹與

求和親助紹擊瓚破之紹

公孫瓚連戰不決蹋頓遣使詣袁紹求和親助紹擊瓚破之紹
矯制賜蹋頓難數瑄王汗魯王印皆以為單于

論學中國立法

魏道武謂尚書崔宏曰蠕蠕之人其米號為頑器每來抄掠駕

特牛奔遁驅犍牛隨之特牛伏不前異部人有教其以犍牛

易之者蠕蠕曰其毋尚不能行而況其子終於此為敵所

虜今社論學中國立法置戰以卒成邊害道家言聖人生大盜

起信矣

羅氏鬼邊報宋文

羅氏鬼國理宗寶祐四年
西南將大入邊詔以銀萬三
使思播言大元兵也大理國取道
使思播結約羅鬼



臺灣國家圖書館, NATIONAL CENTRAL LIBRARY, TAIWAN, R.O.C.